



支那
撰述

大唐西域記

卷五
六

孰

ル 7
3049
3



大唐西域記卷第五

門凡呂87
號 808
卷 3049

三藏法師

玄奘奉

詔譯

大德持寺沙門

辨機

撰

明治三十五年
五月廿一日
購

六國

羯若鞠閣國

阿耶穆佉國

僑賞彌國



阿踰陀國

鉢邏耶伽國

鞞索反山格迦國

羯若鞠閣國周四千餘里國大都城西臨死伽何其
長二十餘里廣四五里城隍堅峻臺閣相望華林池
沼光鮮澄鏡異方奇貨多聚於此居人豐樂家室富

西域記卷五

饒華果具繁稼穡時播氣序和淳風俗淳質容貌妍
雅服飾鮮綺篤學遊藝論談清遠邪正二道信者相
半伽藍百餘所僧徒萬餘人大小二乘兼收習學天
詞二百餘所異道數千餘人

羯若鞠闍國人長壽時其舊王城号拘蘇磨補羅
官華王号梵授福智宿資文武允備威懾瞻部聲震隣
國具足千子智勇弘毅復有百女儀貌妍雅時有仙
人居殤伽河側棲神入定經數萬歲形如枯木遊禽
棲集遺尼拘律果於仙人肩上市暑往寒來垂蔭合拱
多歷年所從定而起欲去其樹恐覆鳥巢時人羨其

德号大仙人寓目河濱遊觀林薄見王諸女相促嬉
戲欲界愛起染著心生便詣華宮欲事禮清王聞仙
至躬迎慰曰大仙棲情物外何能輕舉仙人曰我棲
林藪彌積歲時出定遊覽見王諸女染愛心生自遠
來請王聞其辭計無所出謂仙人曰今還所止請俟
嘉辰仙人聞命遂還林藪王乃歷問諸女無肯應續
王懼仙威憂愁毀悴其幼稚女候王事隙從容問曰
父王千子具足萬國慕化何故憂愁如有所懼王曰
大樹仙人幸顧求婚而汝曹輩莫肯從命仙有威力
能作災祥儻不遂心必起嗔怒毀國滅初辱及先王

西埧言王

深惟此禍誠有所懼稚女謝曰遺此深憂我曹罪也
 願以微軀得延國祚王聞喜悅命駕送歸既至仙廬
 謝仙人曰大仙俯方外之情垂世間之顧敢奉稚女
 以供灑掃仙人見而不悅乃謂王曰輕吾老交配此
 不妍王曰歷問諸女無肯從命唯此幼稚願充給使
 仙人懷怒便惡咒曰九十九女一時腰曲形既毀弊
 畢世無婚王使往驗果已背偃從是之後更名曲女
 城焉

今王本吠奢種也字曷利沙伐彈那唐言喜增君臨有王
 二世三王父字波羅羯邏代彈那唐言光增兄字曷

邏闍伐彈那唐言王增以長嗣位以德治政時東印
 度羯羅拏蘇伐刺那唐言金駘國設賞迦王唐言每謂臣
 曰隣有賢主國之禍也於是誘請會而害之人既夫
 君國亦荒亂時大臣婆尼唐言辨了職望隆重謂僚庶曰
 國之大計定於今日先王之子亡君之弟仁慈天性
 孝敬因心親賢允屬欲以襲位於事何如各言爾志
 衆咸仰德嘗無異謀於是輔臣執事咸勸進曰王子
 垂聽先王積功累德先有國詐嗣及王增謂終壽老
 輔佐無良棄身離手為國大耻下臣罪也物議時謠
 允歸明德光臨土宇克復親讎雪國之耻光父之業

巧孰大焉幸無辭矣王子曰國嗣之重今古為難君
 入之位興立宜審我誠寡德父兄退棄推襲大位其
 能濟乎物議為宜敢忘虛薄今者殞伽河岸有觀自
 在菩薩像既多靈鑒願往請辭即至菩薩像前斷食
 祈請菩薩感其誠心現形問曰爾何所求若此勤懇
 王子曰我惟積禍慈父曰亡重茲酷罰仁兄見害自
 顧寡德國人推尊今襲大位光父之業愚昧無知敢
 希聖旨菩薩告曰汝於先身在此林中為練若苾芻
 而精勤不懈承茲福力為此王子金耳國王既毀佛
 法爾紹王位宜重興隆慈悲為志傷愍居懷不久當

王五印度境欲延國祚當從我誨真加果福誠無強
 敵勿昇師子之座勿稱大王之号於是受教而退即
 襲王位自稱曰王子号尸羅阿迭多戒暗於是命諸
 臣曰兄離未報隣國不賓終無右手進食之期九爾
 庶僚同心戮力遂揔率國兵備習戰士象軍五千馬
 軍二萬步軍五萬自西徂東征伐不臣象不解鞍人
 不釋甲於六年中拒五印度既廣其地更增田兵象
 軍六萬馬軍十萬垂三十年兵戈不起政教和平務
 修節儉營福樹善忘寢與食令五尔及不得擊肉若
 斷生命有誅無赦於殞伽河側建立數千窣堵波各

高百餘尺於五印度城邑鄉聚達巷交衢建立精廬
儲飲食止醫藥施諸羈貧周給不殆聖迹之所並建
伽藍五歲一設無遮大會傾竭府庫慧施群有唯留
兵器不充檀捨歲一集會諸國沙門於三七日中以
四事供養莊嚴法座廣飾義筵令相擢論較其優劣
褒貶淑慝黜陟幽明若戒行貞固道德純邃推昇師
子之座王親受法戒雖清淨學無誓古但加敬禮示
有尊崇律儀無紀穢德已彰驅出國境不願聞見隣
國小王輔佐大臣殖福無怠求善忘勞即攜手同座
謂之善友其異於此面不對辭事有聞議通使往復

而巡方省俗不常其居隨所至止結廬而舍唯雨三
月多雨不行每於行宮日修珍饌飯諸異學僧衆一
千婆羅門五百每以一日分作三時一時理務治政
二時足營福修善救足不倦竭日不足矣初受拘摩
羅王請自自摩揭陀國往迦摩縷波國時戒日王巡
方在羯末盟祇邏國命拘摩羅王曰宜與那爛陀遠
客沙門速來赴會於是遂與拘摩羅王往會見焉戒
日王勞苦已曰自何國來將何所欲對曰從
大唐國來請求佛法王曰
大唐國在何方經途所宜去斯遠近對曰當此東北

數萬餘里印度所謂摩訶至那國是也王曰嘗聞摩訶至那國有

秦王天子少而靈鑿長而神武昔先代喪亂率土分崩兵才競起群生荼毒而

秦王天子早懷遠略興大慈悲極濟含識平定海內風教遐被德澤遠洽殊方異域慕化稱臣氓庶荷其

亭育咸歌

秦王破陣樂聞其雅頌于茲久矣盛德之譽有之乎大唐國者豈此是耶對曰然至那者前王之國号大唐者我

君之國稱昔未襲位謂之

秦王今已承統稱曰

天子前代運終群生無王兵戈亂起殘害生靈秦王

天縱含弘心發慈悲威風鼓舞群凶弥滅八方靜謐

萬國朝貢愛育四生敬崇三寶薄賦斂省刑罰而國

用有餘詆俗無完風猷大化難以備舉戒日王曰盛

矣哉彼土群生福感聖主時戒日王將還曲女城設

法會也從數十萬衆在宛伽河南岸拘摩羅王從數

萬之衆居北岸分河中流水陸並進二王導引四兵

嚴衛或泛舟或乘象擊鼓鳴螺拊絃奏管經九十日

至曲女城在苑伽河西大華林中是時諸國二十餘
王先奉告命各與其國髦俊沙門及婆羅門群官兵
士來集大會王先於河西建大伽藍伽藍東起寶臺
高百餘尺中有金佛像量等王身臺南起寶壇為浴
佛像之處從此東北十四五里別築行宮是時仲春
月也從初一日以珍味饌諸沙門婆羅門至二十一
日自行宮屬伽藍夾道為閣窮諸瑩飾樂人不移雅
聲迎奏王於行宮出一金像虛中隱起高餘三尺載
以大象張以寶幟戒日王為帝釋之服執寶蓋以左
侍拘摩羅王作梵王之儀執白拂而右侍各五百象

軍被鎧周衛佛像前後各百大象樂人以乘鼓奏音
樂戒日王以真珠雜寶及金銀諸華隨步四散供養
三寶先就寶壇香水浴像王躬負荷送上西臺以諸
珍寶幡奢耶衣數千百千而為供養是時唯有沙門
二十餘人預從諸國王為侍衛饌食已訖集諸異學
商擢微言抑揚至理日將暉暮迴駕行宮如是日送
金像導從如初以至散日其大臺忽然火起伽藍門
樓煙焰方熾王目盤捨國珍奉為先王建此伽藍式
昭勝業寡德無祐有斯灾異咎徵若此何用生為乃
焚香禮請而自誓曰幸以宿善王諸印度願我福力

攘滅火災若無所感從此喪命尋即奮身跳樓門闔
若有僕滅火盡煙消諸王觀異重增袿懼已而顏色
不動辭語如故問諸王曰忽此災變梵燼成功心之
所懷意將何謂諸王俯伏悲泣對曰成功勝迹真傳
來業一旦灰燼何可為懷况諸外道快心相賀王曰
以此觀之如來所說誠也外道異學守執常見唯我
大師無常是誨然我檀捨已周心願諸遠屬斯反滅
重知如來誠諦之說斯為大善無可深悲於是從諸
王東上大宰堵波登臨觀覽方下階陛忽有異人持
刃逆王王特窘迫却行進級俯執此人以付群官是

時群官惶遽不知進救諸王咸請誅戮此人戒日王
殊無忿色止令不殺王親問曰我何負汝為此暴惡
對曰大王德澤無私中外荷福然我在愚不謀大計
受諸外道一言之感轉為刺客首圖逆害王曰外道
何故興此惡心對曰大王集諸國傾府庫供養沙門
鎔鑄佛像而諸外道自遠召集不蒙省問心誠愧耻
乃令在愚敢行凶詐於是究問外道徒屬有五百婆
羅門並諸高才應命召集嫉諸沙門蒙王禮重乃射
火箭焚燒寶臺真因救火衆人潰亂欲以此時殺害
大王既無緣隙遂在此人趨隘行刺是時諸王大臣

請誅外道王乃罰其首惡餘黨不罪遷五百婆羅門
出印度之境於是乃還都也

城西北窣堵波無憂王之所建也如來在昔於此七
日說諸妙法其側則有過去四佛坐及經行遺迹之
所復有如來髮爪小窣堵波說法窣堵波南臨殤伽
河有三伽藍同垣異門佛像嚴麗僧徒肅穆仗使淨
人數千餘戶精舍寶函中有佛牙長餘寸半殊光異
色朝夕改遠近相趨士庶咸集式修瞻仰曰百千
衆監守者繁其誼雜權立重稅宜告遠近欲見佛牙
輸大金錢然而瞻禮之徒寔繁其侶金錢之稅悅以

心競每於齋日出置高座數百千衆燒香散華雖
盈積牙函不沒伽藍前左右各有精舍高百餘尺石
基甄室其中佛像衆寶莊飾或鑄金銀或鎔鑄石二
精舍前各有小伽藍伽藍東南不遠有大精舍石基
甄室高二百餘尺中作如來立像高三十餘尺鑄以
鑄石飾諸妙寶精舍四周石壁之上彫畫如來修菩
薩行所經事迹備盡鑿鑄石精舍南不遠有日天祠
祠南不遠有大自然並瑩青石俱窮彫刻規模
度量同佛精舍各有千戶充其灑掃鼓樂絃歌不捨
晝夜大城東南六七里殤伽河南有窣堵波高二百

餘尺無憂王之所建也在昔如來於此六月說身無常苦空不淨其側則有過去四佛坐及經行遺迹之所又有如來髮爪小窣堵波人有染疾至誠旋繞必得痊愈蒙其福利大城東南行百餘里至納縛提婆矩羅城據殞伽河東岸周二十餘里華林清池牙相影照納縛提婆矩羅城西北殞伽河東有一天祠重閣層臺奇工異製城東五里有三伽藍同垣異門僧徒五百餘人並學小乘說一切有部伽藍前二百餘步有窣堵波無憂王之所建也基雖傾陷尚高百餘尺是如來昔於此處七日說法中有舍利時放光明

其側則有過去四佛坐及經行遺迹之所

伽藍北三四里臨殞伽岸有窣堵波高二百餘尺無憂王之所建也昔如來在此七日說法時有五百餘鬼來至佛所聞法解悟捨鬼生天說法窣堵波側有過去四佛坐及經行遺迹之所其側復有如來髮爪窣堵波自此東南行六百餘里渡殞伽河南至阿踰

陀國

中
度
境

阿踰陀國周五千餘里國大都城周二十餘里穀稼豐盛華果繁茂氣序和暢風俗善順好營福勸學藝伽藍百有餘所僧徒三千餘人大乘小乘兼攻習學

天祠十所異道寡少大城中有故伽藍是伐蘇畔度
菩薩唐言此親舊曰婆藪數十年中於此製作大小
乘諸異論其側故基是世親菩薩為諸國王四方俊
彥沙門婆羅門等講義說法堂也

城北四五里臨苑伽河岸大伽藍中有窣堵波高二
百餘尺無憂王之所建也是如來為天人眾於此三
月說諸妙法其側窣堵波過去四佛坐及經行遺迹
之所伽藍西四五里有如來髮爪窣堵波髮爪窣堵
波北伽藍餘跡昔經部室利邏多唐言勝受論師於此製
造經部毗婆沙論

城西南五六里大菴沒羅林中有故伽藍是阿僧伽
唐言無著菩薩請益導元之處無著菩薩夜昇天宮於慈
氏菩薩所受瑜伽師地論莊嚴大乘經論中邊分別
論等盡為大衆講宣妙理菴沒羅林西北百餘步有
如來髮爪窣堵波其側故基是世親菩薩從觀史多
天下見無著菩薩處無著菩薩健馱邏國人也佛去
世後一千年中誕靈利見承風悟道從彌沙塞部出
家修學頃之迴信大乘其弟世親菩薩於說一切有
部出家受業博聞強識達學研機無著弟子佛陀僧
訶唐言師子覺者蜜行莫測高才自聞二三堅哲每相謂

曰九修行業願觀慈氏若先捨壽得遂宿心當相報
悟以知所至其後師子覺先捨壽命三年不報出親
菩薩尋亦捨壽時經六月亦無報命時諸異學咸皆
譏誚以為世親菩薩及師子覺流轉惡趣遂無靈鑒
其後無著菩薩於夜初分爲門人教授定法燈光忽
翳空中大明有一天仙乘虛下降即進階庭敬禮無
著無著曰爾來何暮今名何謂對曰從此捨壽命往
都史多天慈氏內衆蓮華中生蓮華纔開慈氏讚曰
善來廣慧善來廣慧旋繞纔凋即來報命無著菩薩
曰師子覺者今何在曰我旋繞時見師子覺在外

衆中耽著欲樂無暇相顧誰能來報無著菩薩曰斯
事已矣慈氏何相演說何法曰慈氏相好言莫能宣
演說妙法義不異此然菩薩妙音清揚和雅聞者忘
倦受者無厭

無著講堂故基西北四十餘里至故伽藍北臨苑伽
河中有軌窳塔波高百餘尺世親菩薩初發大乘心
處世親菩薩自北印度至於此也時無著菩薩命其
門人令往迎候至此伽藍遇而會見無著弟子止戶
牖外夜分之後誦十地經世親聞已感悟追悔甚深
妙法昔所未聞誹謗之愆深發於舌舌爲罪本今宜

除斷即執鋸刀將自斷舌乃見無著住立告曰夫大乘教者至真之理也諸佛所讚衆聖攸宗言欲誨汝爾今自悟悟其時矣何善如之諸佛聖教斷舌非悔昔以舌毀大乘今以舌讚大乘補過自新猶為善矣杜口絕言其利安在作是語已忽復不見世親承命遂不斷舌且請無著諮受大乘於是研精覃思製大乘論九百餘部並盛宣行從此東行三百餘里渡殑伽河北至阿耶穆佉國中印度境阿耶穆佉國周二千四五百里國大都城臨殑伽河周二十餘里其氣序土宜同阿踰陀國人淳俗質勤

學好福伽藍五所僧徒千餘人習學小乘正量部法天祠十餘所異道雜居城東南不遠臨殑伽河岸有窳堵波無憂王之所建也高二百餘尺是如來昔於此處三月說法其側則有過去四佛坐及經行遺迹之所復有如來髮爪青石窳堵波其側伽藍僧徒二百餘人佛像莊飾威嚴如在臺閣宏麗奇製鬱起是昔佛陀馱婆唐言覺使論師於此製說一切有部大毗婆沙論從此東南行七百餘里渡殑伽河南閻牟耶河北至鉢邏耶伽國中印度境鉢邏那伽國周五千餘里國大都城據兩河交周二十餘里稼穡滋盛果木扶疎

氣序和暢，風俗善順，好學藝，信外道。伽藍兩所，僧徒寡少，並皆習學小乘法教。天祠數百，異道寔多大城。西南瞻博迦華林中，有窣堵波無憂王之所建也。基雖傾陷，尚百餘尺。在昔如來於此處降伏外道，其側則有髮爪窣堵波。經行遺迹，髮爪窣堵波側有故伽藍。是提婆唐言天受菩薩作廣百論，挫小乘伏外道。處初提婆菩薩自南印度至此，伽藍城中有外道婆羅門高論，有聞辨，戈無礙，脩名責實，反質窮辭。雅知提婆博究玄奧，欲挫其鋒，乃脩名問曰：汝為何名提婆？曰：名天外道。曰：天是誰提婆？曰：我外道。曰：我是誰提婆？

曰：狗外道。曰：狗是誰提婆？曰：汝外道。曰：汝是誰提婆？曰：天外道。曰：天是誰提婆？曰：我外道。曰：我是誰提婆？曰：狗外道。曰：誰是狗提婆？曰：汝外道。曰：汝是誰提婆？曰：天。如是循環。外道方悟，自時既後，深敬風猷。城中有天祠，瑩飾輪煥，靈異多端。依其典籍，此處是衆生植福之勝地也。能於此祠捐捨錢功，踰也所慧施。千金復能輕生祠中，斷命受天，恒樂悠永，無窮天祠。堂前有一大樹，枝葉扶疎，陰影甚密，有食人鬼依而棲宅。故其左右多有遺骸，若人身命。既休邪說，又為神誘，自古今習謬，無替近有。

婆羅門族姪子也闍達多智明敏高文來至祠中謂
衆人曰天曲俗鄙志難以導誘吾方同事然後攝化
亦既登臨俯謂友曰吾有死矣昔謂詭妄今驗真實
天仙伎樂依空接引當勝境捨此鄙形尋欲投身自
取殞絕親友諫喻其志不移遂布衣服遍周樹下及
其自投得全驅命久而醒曰唯見空中諸天召命斯
乃邪神所引非得天樂也

大城東兩河交廣十餘里土地爽塏細沙弥漫自古
至今諸王豪族凡有捨施莫不至止周給不計号大
施塲今戒日王者幸脩前緒篤述慧施五年積財一

且傾捨其施塲多聚珍貨初第一日置大佛像衆
寶莊嚴即持上妙奇珍而以奉施次常住僧久現前
衆次高才碩學博物多能次外道學徒隱淪厭遁次
鰥寡孤獨貧窮乞人備極珍玩窮諸上饌如是節次
莫不周施府庫既傾服玩都盡髻中明珠身諸瓔珞
次第施與初無所悔既捨施已稱曰樂哉凡吾所有
已入金剛堅固藏矣從此之後諸國君王各獻珍服
嘗不踰旬府庫充收大施塲東合流口日數百人自
溺而死彼俗以為願求生天當於此處絕粒自沈沐
浴中流罪垢消滅是以異國遠方相趨華止七日斷

食然後絕命至於山援野鹿群遊水濱或濯流而返
或絕食而死當戒日王之大施也有一獼猴居河之
濱獨在樹下屏迹絕食經數日後自餓而死故諸外
道修苦行者於河中立高柱日將且也便即昇之一
手一足執柱端躡傍杙一手一足虛懸外伸臨空不
屈延頸張目視日右轉逮乎曠暮方乃下焉若此者
其徒數十異斯勤苦出離生死或數十年未嘗懈怠
從此西南入大林中惡獸野象群暴行旅非多徒黨
難以經涉行五百餘里至憍賞彌國舊曰拘睢彌國
訛也中印度境
橋賞彌國周六千餘里國大都城周三十餘里土稱

沃壤地利豐植粳稻多甘蔗茂氣序暑熱風俗剛猛
好學典藝崇樹福善伽藍十餘所傾頓荒蕪僧徒三
百餘人學小乘教天祠五十餘所外道寔多

城內故宮中有大精舍高六十餘尺有刻檀佛像上
懸石蓋鴈陀衍那王唐言出愛舊云
優填王訛也之所作也靈相

間起神光時照諸國君王特力欲舉雖多人眾莫能
轉移遂圖供養俱言得真語其源迹即此像也初如
來成正覺已上昇天宮為母說法三月不還其王思
慕願圖形像乃請尊者沒特伽羅子以神通力接于
人上天宮親觀妙相彫刻栴檀如來自天宮還也刻

檀之像起迎世尊世尊慰曰教化勞耶開導末世寔
此為異精舍東百餘步有過去四佛坐及經行遺迹
之所其側不遠有如來井及浴室井猶充汲室已頽
毀

城內東南隅有故宅餘趾是具史羅舊云瞿師者故
宅也中有佛精舍及髮爪窰塔波復有故基如來浴
室也

城東南不遠有故伽藍具史羅長者舊園也中有窰
塔波無憂王之所建立高二百餘尺如來於此數年
說法其側則有過去四佛座及經行遺迹之所復有

如來髮爪窰塔波

伽藍東南重閣上有故甄室丑親菩薩骨位此中作
唯識論破斥小乘難諸外道

伽藍東巷沒羅林中有故基是無著菩薩於此作願
揚聖教論

城西南八九里毒龍石窟昔者如來伏此毒龍於中
留影雖則傳記今無所見其側有窰塔波無憂王之
所建也高二百餘尺傍有如來經行遺迹及髮爪窰
塔波病苦之徒求願多愈釋迦法盡此國最後故上
自君王下及衆庶入此國境自然感傷莫不飲泣悲

嘆而歸龍窟東北大林中行七百餘里渡燒伽河北
至迦奢布羅城周十餘里居人富樂城傍有故伽藍
唯餘基址是昔護法菩薩伏外道處此國先王扶於
邪說欲毀佛法崇敬外道外道衆中召一論師聰敏
高文明達幽微者作偽邪書千頌九三萬二千言非
毀佛法扶正本宗於是召集僧衆令相擢論外道有
勝當毀佛法衆僧無負斷舌以謝是時僧徒懼有退
負集而議曰慧日已沈法橋將毀王黨外道其可敵
乎事勢若斯計心安出衆咸默然無堅議者護法菩
薩年在幻稚心多聞風範弘遠在大衆中揚言讚

曰愚雖不敏請陳其略誠宜以我疾應王命高論得
勝斯靈祐也微議隨負乃稚齒也然則進退有辭法
僧無咎命曰允諧如其籌策尋應王命即昇論席外
道乃提頓網網抑揚辭義誦其所執待彼異論護法
菩薩納其言而笑曰吾得勝矣將覆逆而誦耶為亂
辭而誦耶外道憮然而謂曰子無自高也能領語盡
此則為勝順受其文後釋其義護法乃隨其聲誦述
其文義辭理不謬氣韻無差於是外道聞已欲自斷
舌護法曰斷舌非謝改軌是悔即為說法心信意悟
王捨邪道尊崇正法

護法伏外道側有窣堵波無憂王所建也基雖傾陷尚高二百餘尺是如來昔於此處六月說法傍有經行之迹及髮爪窣堵波自此北行百七十八里至鞞索山名如國中即鞞索迦國周四千餘里國大都城周十六里穀稼殷盛華果具繁氣序和暢風俗淳質好學不倦求福不圖伽藍二十餘所僧徒三千餘人並學小乘正量部法天祠五十餘所外道甚多

城南道左有大伽藍昔提婆設摩阿羅漢於此造識身論說無我人瞿波阿羅漢作聖教要實論說有我

人因此法執遂深諍論又是護法菩薩於此七日中摧伏小乘一百論師伽藍側有窣堵波高二百餘尺無憂王所建也如來昔日六年於此說法導化說法側有奇樹高六七尺春秋迤代常無增減是如來昔嘗淨齒棄其遺枝因植根核繁茂至今諸邪見人及外道來競來殘伐尋生如故其側不遠有過去四佛坐及經行遺迹之所復有如來髮爪窣堵波靈基連隅林沼交影從此東北行五百餘里至室羅伐悉底國舊曰舍衛國說大唐西域記卷第五鞞索山名反下音義弘大也嬉戲上詩之反比月偃主反

背曲 酷罰 上音哭 戮力 上音併 八徂 古始反 在 羈貧
 病 宜 殆 待音時 衰 貶 悲 檢 反 下 淳 邃 或作私 遂 反 携 手
 上 携 攷 攷 音 茲 不 息 亘 古 劍 反 極 濟 上 聲 字 靜 謐 音 下
 也 密 突 穴 反 俱 水 鎧 苦 甲 也 反 曠 暮 上 音 無 去 反 攘 滅 却 也 反
 跳 躍 音 修 也 門 閭 下 音 門 土 也 撲 滅 打 上 音 木 反 窘 迫 敏 反
 下 音 滄 也 潰 亂 反 散 也 隘 於 實 反 也 鑄 鑊 反 下 音 全 規 摹
 上 音 均 故 同 前 譏 謂 反 上 音 飢 下 音 笑 錡 刀 反 也 息 魚 怵 律
 反 憂 殞 絕 反 上 音 教 也 爽 塏 反 上 音 所 兩 反 下 音 改 肥 遁 非 反
 下 徒 困 反 一 端 躡 亦 音 隔 傍 杙 下 音 翼 精 一 也 拘 腠
 下 失 頽 毀 上 音 徒 反 邪 說 下 音 儻 然 上 音 根 扠 下 音 帝 終
 緣 反 頽 毀 上 音 徒 反 邪 說 下 音 儻 然 上 音 根 扠 下 音 帝 終

大唐西域記卷第六

轉

三藏法師

玄奘奉

詔譯

大摠持寺沙門

辨機

撰

四國

劫比羅伐窰堵國

室羅伐悉底國

舊記云舍衛國

拘尸那揭羅國

藍摩國

舊云迦毗羅衛國

室羅伐悉底國周六千餘里都城荒頓墮場無紀官
 城故基周二千餘里雖多荒圯尚有居人穀稼豐氣
 序和風俗淳質篤學好福伽藍數百圯壞良多僧徒
 寡少學正量部天祠百所外道甚多此則如來在卅

之時鉢邏犀那恃多王唐言勝軍舊日所治國都也故官城內有故基勝軍王殿餘趾也次東不遠有一故基上建小窣堵波昔勝軍王為如來所建大法堂也

法堂側不遠故基上有窣堵波是佛姨母鉢邏閣鉢

底唐言生主舊曰苾芻尼精舍勝軍王之所建立次

東窣堵波是蘇達多唐言善施舊故它也善施長者

宅側有大窣堵波是鴛窣利摩羅唐言指髮舊曰捨

邪之處鴛窣利摩羅者室羅伐悉底之凶人也作害

生靈為暴城國殺人取指冠首為鬘將欲害母以克

指數世尊悲愍方行導化遙見世尊竊自喜曰我今

生天必矣先師有教遺言在茲害佛殺母當生梵天

謂其母曰老今且止先當害彼大沙門尋即伏劍往

逆世尊如來於是徐行而退凶人指髮疾驅不逮世

尊謂曰何守鄙志捨善本激惡源時指髮聞誨悟所

行非因即歸命求入法中精勤不怠證羅漢果城南

五六里有迦多林唐言勝林舊是給孤獨園勝軍王

大臣善施為佛建精舍昔為伽藍今已荒廢東門左

右各建石柱高七十餘尺左柱鑲輪相於其端右柱

刻牛形於其上並無憂王之所建也室宇傾圮唯餘

故基獨一甄室巋然獨存中有佛像昔者如來昇三
十三天為母說法之後勝軍王聞出愛王刻檀像佛
乃造此像善施長者仁而聰敏積而能散極乏濟貧
衰孤恤老時羨其德号給孤獨焉聞佛功德深生尊
敬願建精舍請佛降臨世尊命舍利子隨瞻揆焉唯
太子逝多園地來增尋諸太子具以情告太子戲言
金遍乃賣善施聞之心豁如也即出藏金隨言布地
有少未滿太子請留曰佛誠良田宜植善種即於空
地建立精舍世尊即之告阿難曰園地善施所買林
樹逝多所施二人同心式崇功業自今已來應謂此

地為逝多樹給孤獨園

給孤獨園東北有窣堵波是如來洗病苾芻處昔如
來之在世也有病苾芻舍苦獨處世尊見而問曰汝
何所苦汝何獨居曰我性踈嬾不耐看病故今嬰疾
無瞻視如來是時愍而告曰善男子我今看汝以手
拊摩病苦皆愈扶出戶外更易敷褥親為盥洗改著
新衣佛語苾芻當自勤勵聞誨感恩心悅身豫給孤
獨園西北有小窣堵波是沒特伽羅子運神通力舉
舍利子衣帶不動之處昔佛在無熱惱池人天咸集
唯舍利子不時從會佛命沒特伽羅往召來集沒特

伽羅承命而往，舍利子方補護法，衣沒特伽羅曰：世尊今在無熱惱池，命我召爾。舍利子曰：且止，須我補竟。與子偕行，沒特伽羅曰：若不速行，欲運神力，舉爾石室至大會所。舍利子乃解衣帶，置地曰：若舉此帶，我身或動，特沒特伽羅運大神通，舉帶不動地，為之震。因以神足還詣佛所，見舍利子已在會坐。沒特伽羅俛而嘆曰：乃今以知神通之力，不如智慧之力矣。舉帶、宰堵波側，不遠有井，如來在卅及充佛用其側。有宰堵波，無憂王之所建也。中有如來，舍利經行之迹。說法之處，並樹旌表，建宰堵波，真祇警衛靈瑞。聞

起或鼓天樂，或聞神香，景福之祥，難以備叙。伽藍後不遠，是外道梵志殺媼女，以謗佛處。如來神力無畏，一切種智人天宗仰，聖賢遵奉。時諸外道共相議曰：宜行詭詐，衆中謗辱，乃誘崔媼女，詐為聽法。衆所知已，密而殺之，埋屍樹側，稱怨告王，命求訪於逝多園，得其死焉。是時外道高聲唱言：喬答摩大沙門常稱戒忍，今私此女殺而滅口。旣媼旣殺，何戒何忍？諸天空中隨聲唱曰：外道凶人，爲此謗耳。伽藍東百餘步，有大深坑，是提婆達多欲以毒藥害佛，生身墮入地獄處。提婆達多天授斛飯王之子也。

精勤十二年已誦持八萬法藏後為利故求學神通
親近惡友共相議曰我相三十滅佛未幾大眾圍遶
何異如來思惟是已即事破僧舍利子沒特伽羅子
奉佛指告承佛滅神說法誨喻僧復和合提婆達多
惡心不捨以惡毒藥置指爪中欲因作禮以傷害佛
方行此謀自遠而來至於此也地遂圻焉生陷地獄
其南復有大坑瞿伽梨苾芻毀謗如來生身陷入地
獄瞿伽梨陷坑南八百餘步有大深坑是戰遮婆羅
門女毀謗如來生身陷入地獄之處佛為人天說諸
法要有外道弟子遙見世尊大眾恭敬便自念曰要

於今日辱喬答摩敗其善譽當令我師獨擅芳聲乃
懷繫木盆至給孤獨園於大眾中揚聲唱曰此說法
人與我私通腹中之子乃釋種也邪見者莫不信然
貞固者知為訕謗時天帝釋欲除疑故化為白鼠齧
斷盆系系斷之聲震動大眾凡諸見聞增深喜悅衆
中一人起持木盆示彼女曰是汝兒耶是時也地自
開圻全身墜陷入無間獄具受其殃凡此三坑洞無
涯底秋夏霖雨溝池泛溢而此深坑嘗無水止伽藍
東六七十步有一精舍高六十餘尺中有佛像東面
坐如來在昔於此與諸外道論議次東有天祠量等

精舍日，且流光天祠之影，不蔽精舍日。將落照精舍之陰，遂覆天祠。

影覆精舍，東三四里有窣堵波，是尊者舍利子與外道論議處。初善施長者買逝多太子園，欲為如來建立精舍。時尊者舍利子隨長者而瞻，揆外道六師求，搆神力。舍利子隨事攝化，應物降伏。其側精舍前建窣堵波，如來於此摧諸外道。又受毗舍佉母請。

受請窣堵波，南是毗盧釋迦王。舊曰毗流也興甲兵誅

釋種至此，見佛歸兵之處。毗盧釋迦王嗣位之後，追

怨前，屢興甲兵，動大衆部署已畢，伸命方行時，有苾

芻聞已，白佛。卅尊於是坐枯樹下。毗盧釋迦王遙見

卅尊下乘禮敬，退而言曰：茂樹扶疎，何故不坐枯株

朽葉而乃遊止？卅尊告曰：宗族者枝葉也，枝葉將危

庇陰何在？王曰：卅尊為宗親耳，可以迴駕。於是觀聖

感懷，還軍返國。

還軍之側有窣堵波，是釋女被戮處。毗盧釋迦王誅

釋克勝簡五百女，充實宮闈。釋女憤恚，怨言不遜。詈

其王家人之子也。聞發怒，命令誅戮。執法者奉王教

刑其手足，投諸坑。穿時諸釋女含苦稱佛。卅尊聖鑒

照其苦毒，告命苾芻攝衣而往，為諸釋女說微妙法。

所謂羈纏五欲流轉三途恩愛別離生死長遠時諸
釋女聞佛指誨遠塵離垢得法眼淨同時命終俱生
天上時天帝釋化作婆羅門取骸火葬後人記焉
誅釋窣堵波側不遠有大洞池是毗盧擇迦王隨身
入地獄處世尊觀釋女已還給孤獨園告諸苾芻令
毗盧擇迦王却後七日為火所燒王聞佛記甚懷惶
懼至第七日安樂無危王用歡慶命諸宮女往至池
側娛遊樂飲猶懼火起鼓掉清流隨波泛濫熾焰颯
發焚輕舟墜王身入無間獄借受諸苦

伽藍西北三四里至得眼林有如來經行之迹諸聖
習定之所並樹封記建窣堵波昔此國群盜五百橫
行邑里跋扈城國勝軍王捕獲已扶去其眼棄於深
林群盜苦逼哀稱佛是時如來在逝多精舍聞悲
聲起慈心清風和暢吹雪山藥滿其眼已尋得復明
而見世尊在其前住發菩提心歡喜頂禮投杖而去
因植根焉

大城西北六十餘里有故城是賢劫中人壽二萬歲
時迦葉波佛本生城也城南有窣堵波成正覺已初
見父處城北有窣堵波有迦葉波佛全身舍利並無
憂王所建也從此東南行五百餘里至劫比羅伐率

堵國舊曰迦毗羅衛國

劫比羅伐窳堵國周四千餘里空城十數荒蕪已甚
王城頽圯周量不詳其內宮城周十四五里壘甃而
成基趾峻固空荒久遠人呈稀曠無大君長城各立
主土地良沃稼穡時播氣序無愆風俗和暢伽藍故
基千有餘所而宮城之側有一伽藍僧徒三十餘人
習學小乘正量部教天祠兩所異道雜居
宮城內有故基淨飯王正殿也上建精舍中作王像
其側不遠有故基摩訶摩耶唐言大夫人寢殿也上建
精舍中作夫人之像其側精舍是釋迦菩薩降神母

胎處中作菩薩降神之像上座部菩薩以唄咀羅頌
沙茶月三十日夜降神母胎當此五月十五日諸部
則以此月二十三日夜降神母胎當此五月八日
菩薩降神東北有窳堵波阿私多仙相太子處菩薩
誕靈之日嘉祥輻添時淨飯王召諸相師而告之曰
此子生也善惡何若宜悉乃心明言以對曰依先聖
之記考吉祥之應在家作轉輪聖王捨家當成等正
覺是時阿私多仙自遠而至叩門請見王甚慶悅躬
迎禮敬請就寶座曰不意大仙今日降顧仙曰我在
天宮安居宴坐忽見諸天群從蹈舞我時問言何悅

豫之甚也。曰：大仙當知贍部洲中釋種淨飯王第一夫人今產太子，當證三菩提，圓明一切智。我聞是語，故來瞻仰。所悲朽老，不遭聖化。

城南門有窳堵波，是太子與諸釋搆力擲象之處。太子伎藝多能，獨拔倫匹。淨飯大王懷慶，將返僕夫馭象，方欲出城。提婆達多素負強力，自外而入，問馭者曰：嚴駕，此象其誰欲乘？曰：太子將還，故往奉馭。提婆達多發憤，引象批其頰，蹴其臆，僵仆塞路，杜絕行路。無能轉移，人瘞填塞，難陀後至而問之曰：誰死？此象曰：提婆達多即曳之，僻路太子至。又問曰：誰為不善？

害山象耶？曰：提婆達多害以杜門，難陀引之，開徑。太子乃舉象高擲，越度城塹，其象墮地為大深坑。七俗相傳為象墮坑也。其側精舍中作太子像，其側又有精舍，太子妃寢宮也。作耶輸陀羅，并有羅怛羅像。宮側精舍作受業之像，太子學堂，故基也。

城東南隅有一精舍，中作太子乘白馬陵虛之像。是踰城處也。城四門外各有精舍，中作老病死、人沙門之像。是太子遊觀觀相，增懷深厭塵俗，於此感悟，命僕廻駕。

城南行五十餘里，至故城。有窳堵波，是賢劫中，人壽

六萬歲時，迦羅迦村馱佛本生城也。城南不遠有窣堵波，成正覺已見父之處。城東南窣堵波有彼如來遺身舍利，前建石柱高三十餘尺，上刻師子之像。傍記寂滅之事，無憂王建焉。迦羅迦村馱佛城東北行三十餘里，至故大城中，有窣堵波是賢劫中人壽四萬歲時，迦諸迦牟尼佛本生城也。東北不遠有窣堵波，成正覺已度父之處。次北有窣堵波，有彼如來遺身舍利，前建石柱高三十餘尺，上刻師子之像。傍記寂滅之事，無憂王之所建也。

城東北四十餘里有窣堵波，是太子坐樹陰觀耕田。

於此習定而得離欲淨飯王見太子坐樹陰入寂定，日光廻照樹影不移，心知靈聖更深珍敬。

大城西北有數百千窣堵波，釋種誅死處也。毗盧擇迦王既克諸釋，虜其族類得九千九百九十萬人，並從殺戮積尸如莽流血成池，天警人心，收骸瘞葬。誅釋西南有四小窣堵波，四釋種拒軍處。初勝軍王嗣位也，求婚釋種，釋種鄙其非類，謬以家人之子重禮娉焉。勝軍王立為正后，其產子男，是為毗盧擇迦王。毗盧擇迦欲就舅氏，請益受業至此。城南見新講堂，即中憩駕，諸釋聞之，逐而罵曰：卑賤婢子敢居此。

室此室諸釋建也擬佛居焉毗盧擇迦嗣位之後追復先辱便興甲兵至此屯軍釋種四人躬耕畝畝便即抗拒兵寇退散已而入城族人以為承輪王之祚胤為法王之宗子敢行凶暴安忍殺害汗厚宗門絕親遠故四人被逐北趣雪山一為烏仗那國王一為梵衍那國王奕世傳業苗蒙不絕一為呬摩咀羅國王一為商弥國王

城南三四里尼拘律樹林有宰堵波無憂王建也釋迦如來成正覺已還國見父王為說法處淨飯王知如來降魔軍已遊行化導情懷渴仰思得禮敬乃命

使請如來曰昔期成佛當還本土斯言在耳時來降誕使至佛所具宣王意如來告曰却後七日當還本土使臣還已白王淨飯王乃告命臣度灑掃衢路儲積華香與諸群臣四十里外佇駕奉迎是時如來與大眾俱八金剛周衛四天王前導帝釋與欲界天侍左梵王與色界天侍右諸苾芻僧列在其後唯佛在衆如月映星威神動三界光明踰七曜步虛空至生國王與從臣禮敬已畢俱共還國止尼拘盧陁僧伽藍其側不遠有宰堵波是如來於大樹下東面而坐受姨母金縷袈裟次此宰堵波是如來於此度八王

子及五百釋種城東門內路左有窣堵波昔一切義成太子於此習諸伎藝門外有自在天祠祠中有石天像危然起勢是太子在襁褓中所入祠也淨飯王自臘伐尼園迎太子還也途次天祠王曰此天祠多靈鑒諸釋童稚求祐必効宜將太子至彼修敬是時傳母抱而入祠其石天像起迎太子太子已出天像復坐

城南門外路左有窣堵波是太子與諸釋捕藝射鏢鼓從此東南三十餘里有小窣堵波其側有泉泉流澄鏡是太子與諸釋引強校能弦矢既分穿鼓過表

至地沒羽因涌清流時俗相傳謂之箭泉夫有疾病飲沐多愈遠方之人持泥以歸隨其所苦漬以塗額靈神冥衛多蒙痊愈箭泉東北行八九十里至臘伐尼林有釋種浴池澄清皎鏡雜華弥漫其北二十四五步有無憂華樹今已枯悴菩薩誕靈之處菩薩以吠舍佉月後半八日當此三月八日上座部則曰以吠舍佉月後半十五日當此三月十五日次東窣堵波無憂王所建二龍浴太子處也菩薩生已不扶而行於四方各七步而自言曰天上天下唯我獨尊今茲而往生分已盡隨足所踏出天蓮華二龍踊出住

虛空中而各吐水一冷一煖以浴太子

浴太子窣堵波東有二清泉傍建二窣堵波是二龍

從地踊出之處菩薩生已支屬宗親莫不奔馳求水

盟浴夫人之前二泉涌出一冷一煖遂以浴洗其南

窣堵波是天帝釋捧接菩薩處菩薩初出胎也天帝

釋以妙天衣跪接菩薩次有四窣堵波是四天王抱

持菩薩處也菩薩從右脇生已四天王以金色氎衣

捧菩薩置金机上至母前曰夫人誕斯福子誠可歡

慶諸天尚喜况世人乎

四天王捧太子窣堵波側不遠有大石柱上作馬像

無憂王之所建後為惡龍霹靂其柱中折仆地傍有

小河東南流土俗号曰油河是摩耶夫人產孕已天

化此池光潤澄淨欲令夫人取以沐浴除去風虛今

變為水其流尚膩從此東行曠野荒林中二百餘里

至藍摩國

中野 摩境

藍摩國空荒歲久壇場無紀城邑丘墟居人稀曠故

城東南有軌窣堵波高截百尺昔者如來入寂滅已

此國先王分得舍利持歸本國式遵崇建靈異間起

神光時燭

窣堵波側有一清池龍每出遊變形蛇服右旋宛轉

繞窣堵波野象群行採華以散其力警察初無間替
昔無憂王之分建窣堵波也七國所建成已開發至
於此國方欲興工而此池龍恐見陵奪乃變作婆羅
門前叩象曰大王情流佛法廣樹福田敢請紆駕降
臨我室王曰爾家安在為近為遠乎婆羅門曰我此
池之龍王也承大王欲建勝福救來請謁王受其請
遂入龍宮坐久之間龍進曰我惟惡業受此龍身供
養舍利莫消罪咎願王躬往觀而禮敬無憂王見已
霍然謂曰允諸供養之具非人間所有也龍曰若然
考願無廢毀無憂王自度力非其儔遂不開發出池

之所今有封記

窣堵波側不遠有一伽藍僧衆剋矣清肅皎然而以
沙弥揔任衆務遠方僧至禮遇珍隆必留三日供養
四事聞諸先志曰昔有苾芻同志相召自遠而至禮
窣堵波見諸群象相趨往來或以牙芟草或以鼻灑
水各持異華共為供養時衆見已悲嘆感懷有一苾
芻便捨具戒願留供養與衆辭曰我惟多福濫迹僧
中歲月函淹行業無紀此窣堵波有佛舍利聖德冥
通群象踐灑遺身此地甘與同群得畢餘齡誠為幸
矣衆告之曰斯盛事也吾等若重智不謀此隨時自

愛無虧勝業亦既離群伸誠願歡然獨居有終焉之志於是薈葺第爲宇引流成池採掇時華灑掃瑩飾綿歷歲序心事無怠隣國諸王聞而雅尚競捨財寶共建伽藍因而勸請屈知僧務自爾相踵不泯元功而以沙弥揔知僧事沙弥伽藍東大林中行百餘里至大窳堵波無愛王之所建也是太子踰城至此解寶衣去纓絡命僕還處太子夜半踰城遲明至此既允宿心乃形言曰是我出籠焚去羈鎖最後釋駕之處也於天冠中解未尼寶命僕夫曰汝持此寶還白父王今茲遠道非苟違離欲斷無常絕諸有漏闍鐸

迦舊曰車也曰詐有何心空駕而返太子善言慰諭感悟而還

廻駕窳堵波東有瞻部樹枝葉雖凋枯株尚在其傍復有小窳堵波太子以餘寶衣易鹿皮衣處太子既斷髮易裳雖去纓絡尚有天衣曰斯服太侈如何改易時洋居天化作獵人服鹿皮衣持弓負羽太子舉其衣而謂曰欲相貿易願見允從獵人曰善太子解其上服授與獵人獵人得已還復天身持所得衣凌虛而去

太子易衣側不遠有窳堵波無愛王之所建也是太

子剃髮處太子從闍鐸迦取刀自斫其髮天帝釋接
 上天官以為供養時淨居天子化作剃髮人執持鋤
 刃徐步而至太子謂曰能剃髮乎幸為我淨之化人
 受命遂為剃髮踰城出家時亦不定或云菩薩年十
 九或曰二十九以吠舍佉月後半八日踰城出家當
 此三月八日或曰以吠舍佉月後半十五日當此三
 月十五日太子剃髮窣堵波東南曠野中行百八九
 十里至尼拘盧陁林有窣堵波高三十餘尺昔如來
 寂滅舍利已分諸婆羅門無所得獲於沮疊般那唐
 焚燒舊云地收餘灰炭持至本國建此靈基而修供

養自茲已降奇迹相仍疾病之人祈請多愈

灰炭窣堵波側故伽藍中過去四佛坐及經行遺迹
 之所

故伽藍左右數百窣堵波其一大者無憂王所建也
 崇基雖各險高餘百尺自此東北大林中行其路艱險
 經途危阻山牛野象群盜獵師伺求行旅為害不絕
 出此林已至拘尸那揭羅國中度境
 拘尸那揭羅國城郭頽毀邑里蕭條故城軌基周十
 餘里居人稀曠間卷荒蕪城內東北隅有窣堵波無
 憂王所建唯陀舊說也之故宅也宅中有井將營獻

供方乃鑿焉歲月雖淹水猶清美城西北三四里渡

阿恃多伐底河唐言無勝此世共稱耳舊云阿利羅

有金河西岸不遠至娑羅林其樹類榭而皮青白葉

甚光潤四樹特高如來寂滅之所也其大軌精舍中

作如來涅槃之像北首而卧傍有窣堵波無憂王所

建基趾雖傾陷尚高二百餘尺前建石柱以記如來

寂滅之事雖有文記不書日月聞諸先記曰佛以生

年八十次舍佉月後半十五日入般涅槃當此三月

十五日也說一切有部則佛以迦刺底迦月後半八

日入般涅槃當此九月八日也自佛涅槃諸部異議

或曰千二百餘年或言千三百餘年或曰千五百餘

年或曰已過九百未滿千年精舍側不遠有窣堵波

是如來修菩薩行時為群雉王救火之處昔於此地

有大茂林毛群羽族巢居穴處驚風四起猛焰飄逸

時有一雉有懷傷愍鼓躍清流飛空奮灑時天帝釋

俯而告曰汝何守愚唐勞羽翮大火方起焚燎林野

豈汝微軀所能撲滅雉曰說者為誰曰我天帝釋耳

雉曰今天帝釋有大福力無欲不遂救災極難若捐

諸掌及諾無功其谷安在猛火方熾無得多言尋復

奮飛往趣流水天帝遂以搥水泛灑其林火滅煙消

生類全命故今謂之救火窣堵波也

雉救八側不遠有窣堵波是如來修菩薩行時為鹿

救至之處乃往古昔此有大林火炎中野飛走窮窘

前有駛流之阨後因猛火之難莫不沉溺喪棄身命

其鹿側隱身據橫流穿皮斷骨自強極溺蹇免後至

忍疲苦而濟之筋力既竭溺水而死諸天收骸起窣

堵波鹿極溺西不遠有窣堵波是蘇跋陀羅唐言善賢舊曰

須跋陀也入寂滅之處善賢者本梵志師也年百二十

者舊多智聞佛寂滅至雙樹間問阿難曰佛出世尊將

寂滅天下我懷疑滯願欲請問阿難曰佛將涅槃幸無擾

也曰吾聞佛世難遇正法難聞我有深疑恐無所請

善賢遂入先問佛言有諸別眾自稱為師各有異法

垂訓導俗喬答摩舊曰瞿曇能盡知耶佛言吾悉深

究乃為演說善賢聞已心淨信解求入法中受具足

戒如來告曰汝豈能耶外道異學修梵行者當試四

歲觀其行察其性威儀寂靜辭語誠實則可於我法

中淨修梵行在人行耳斯何難哉善賢曰世尊悲愍

舍濟無私四歲試學三業方順佛言我先已說在人

行耳於是善賢出家即受具戒勤勵修習身心勇猛

已而於法無疑自身作證夜分未久果證羅漢諸漏

已盡梵行已立不忍見佛入大涅槃即於衆中入火
 界定現神通事而先寂滅是爲如來最後弟子乃先
 滅度即昔後度蹇兔是也善賢寂滅側有窣堵波是
 執金剛躡地之處大悲卅導隨機利見化功已畢入
 寂滅樂於雙樹間北首而卧執金剛神密迹力士見
 佛滅度悲慟唱言如來捨我入大涅槃無歸依無覆
 護毒箭深入愁火熾盛捨金剛杵悶絕躡地久而又
 起悲哀戀慕互相謂曰生死大海誰作舟楫無明長
 夜誰爲燈炬金剛躡地側有窣堵波是如來寂滅已
 七日供養之處如來之將寂滅也光明普照人天

會莫不悲感更相謂曰大覺卅尊今將寂滅衆生福
 盡世間無依如來右脇卧師子牀告諸大衆勿謂如
 來畢竟寂滅法身常住離諸變易當棄懈怠早求解
 脫諸苾芻等歔歔悲慟時阿泥埵盧骨埵舊曰阿那
 告諸苾芻止止勿悲諸天譏恠時末羅衆供養已訖
 欲舉金棺詣涅槃般那所時阿泥埵告言且止諸
 天欲留七日供養於是天衆持妙天華遊虛空讚聖
 德各竭誠心共興供養停棺側有窣堵波是摩訶摩
 耶夫人哭佛之處如來寂滅棺殮已畢時阿泥埵
 上昇天宮告摩耶夫人曰大聖法王今已寂滅摩耶

聞已悲哽悶絕與諸天衆至雙樹間見僧伽胝鉢及錫杖樹之號慟絕而復聲曰人天福盡世間眼滅今此諸物空無有主如來聖力全棺自開放光明合掌坐慰問慈母遠來下降諸行法爾願勿深悲阿難銜哀而請佛曰後世問我將何以對曰佛已涅槃慈母摩耶自天宮降至雙樹間如來爲諸不孝衆生從金棺起合掌說法城北渡河三百餘步有窣堵波是如來焚身之處地今黃黑土雜灰炭至誠求請或得舍利如來寂滅人天悲感七寶爲棺千疊纏身設香華建幡蓋末羅之衆奉輿發引前後導從北渡金河盛

滿香油積多香木縱火以焚二點不燒一椀觀身一最覆外爲諸衆生分散舍利唯有髮爪儼然無損焚身側有窣堵波如來爲大迦葉波現雙足處如來金棺已下香木已積火燒不然衆感驚駭阿泥律陀言待迦葉波耳時大迦葉波與五百弟子自出林來至棺尸城問阿難曰世尊之身可得見耶阿難曰千疊纏絡重棺周歿香木已積即事焚燒是時佛於棺內爲身雙足輪相之上見有異色問阿難曰何以有此曰佛初涅槃衆人悲慟衆淚迸染致斯異色迦葉波作禮旋繞興讚香木自然大火熾盛故如來寂滅三

從棺出初出臂問阿難沿路次起坐為母說法後見
雙足示大迦葉波

現足側有窣堵波無憂王所建也是八王分舍利處
前建石柱刻記其事佛入涅槃後涅槃般那已諸八
國王備四兵至遣直性婆羅門謂拘尸力士曰天人
導師此國寂滅故自遠來請分舍利力士曰如來降
尊即斯下土滅世間明導喪衆生慈父如來舍利自
當供養徒疲道路終無得獲時諸大王遜辭以求既
不相允重謂之曰禮請不從兵威非遠直性婆羅門
揚言曰念哉大悲世尊忍修福善彌歷曠劫想所具

聞今欲相陵此非宜也今舍利在此當均八分各得
供養何至興兵諸力士依其言即時均量欲作八分
帝釋謂諸王曰天當有分勿恃力競阿那婆荅多龍
王文隣龍王醫那鉢咀羅龍王復作是議無遣我曹
若以力者衆非敵矣直性婆羅門曰勿誼諍也宜共
分之即作三分一諸天二龍衆三留人間八國重分
天龍人王莫不悲感分舍利窣堵波西南行二百餘
里至大邑聚有婆羅門豪右臣富確乎不雜學究五
明敬崇三寶接其居側建立僧坊窮諸資用備盡珍
飾或有衆僧往來中路慇懃請留盤心供養或止一

宿乃至七日其後設賞迦王毀壞佛法眾僧絕侶歲
 月驟淹而婆羅門每懷懇惻經行之次見一沙門子厖
 眉皓髮杖錫而來婆羅門馳往迎逆問所從至請入
 僧坊備諸供養且以淳乳煮粥進焉沙門受已纔一
 嚼齒便即置鉢沉吟長息婆羅門待食跪而問曰大
 德慧利隨緣幸見臨顧為久不安耶為粥不味乎沙
 門愍然告曰吾悲眾生福祐漸薄斯言且置食已方
 說沙門食訖攝衣即語婆羅門曰向許有說今何無
 言沙門告曰吾非忘也談不容易事或致疑必欲得
 問今當略說吾向所歎非薄汝粥自數百年不嘗此

味昔如來在世我時預從在王舍城竹林精舍俯清
 流而滌器或以澡漱或以盥沐嗟乎今之純乳不及
 古之淡水此乃人天福滅使之然也婆羅門曰然則
 大德乃親見佛耶沙門曰然汝豈不聞佛子羅怛羅
 者我身是也為護正法未入寂滅說是語已忽然不
 見婆羅門遂以所宿之房塗香灑掃像設肅然其故
 如在復大林中行五百餘里至婆羅痾女斯國舊
 波羅奈國說也中印度境

大唐西域記卷第六

鷲窠上鳥窠反歸然上丘水反瞻揆上之廉反盥與

洗正上音貫俛免音坊裂丹音反訕謗上音諫反齧吾結反

朽上音許藜九反下魚庇廕上音卑刑吾骨反去手坑穿

亦坑音淨一必苗反跋扈字上音未反下音戶擇紆澤

也盟咀上烏連反頰沙上音割反插力上音也枇其頰上

爾反舉如人也又側買蹴其臆上音秋六反踏也瘞葬

反於例也憩駕反息也吠畝也上俱犬反北谷祚洧上

下余鎮反一呬摩器反襁褓上音居雨反下音保負於

也背上煩暖礫礫雷上音擊也今用霹靂字丘墟下起虛

也聚落霍然反郭艾音伐葺第上音入反修也下相踵

足下之勇反銛刀上音廉反擗胡各也矢雉直爾反濯音

也洗羽翻下胡隔也蹇菟上音履反舟楫下音也戲

也欬上音虛下許既反捧魯骨反又攬身上音初造反驚

駭解下音迸必孟反暨那上音反確乎上音也驟漣上音

也疾疔眉大上音厚也齶齒反音也條器反音也澡漱音

音二瘰斯上音反尼

Blank page with a faint grid pattern and bleed-through text from the reverse side.

